

AKTIVNOSTI UP FBiH ZA VRIJEME KRIZE IZAZVANE KORONA VIRUSOM (COVID-19)

Udruženje poslodavaca FBiH je i tokom, još uvijek aktuelne, krize uzrokovanom pandemijom Covida-19 u punom kapacitetu bilo na usluzi članicama i pružalo podršku poslodavcima u prevladavanju novih izazova, a kako bismo na što efikasniji način olakšali poslovanje u novonastaloj situaciji.

Kako bi naše članice bile upoznate sa naredbama, odlukama, uputama i ostalim zvaničnim informacijama nadležnih institucija na nivou države, entiteta, kantona i Brčko Distrikta, te drugih organa koji su vezani za novonastalu situaciju, dostavljao se **SERVIS ZA POSLODAVCE**.

Servis se objavljivao na web stranici Udruženja, ali i dostavljao članicama dva puta dnevno, svakog dana - i vikendom. Na ovaj način, željeli smo pomoći članicama da pravovremeno, na jednom mjestu, dobiju sve potrebne informacije kako bi mogli organizovati poslovne procese.

Dinamika poslovnih, političkih događaja kao i dinamika kretanja ostalih privrednih i drugih djelatnosti producira dnevno veliki broj informacija. Stoga, kako bi se objedinile, sve ostale informacije, a koje su značajne za privrednike i bh. ekonomiju, dostavljale su se svakog dana članicama putem redovnog **PRESS CLIPPINGA**.

A kako bismo međunarodne institucije i organizacije, ambasade i strane partnerske organizacije informisali o aktivnostima Udruženja, pa tako i tokom pandemije, sedmično se na oko stotinu adresa navedenih organizacija dostavlja **PREGLED AKTIVNOSTI NA ENGLESKOM JEZIKU**.

Pregled aktivnosti Udruženja dostavljamo i na maternjem jeziku, članicama Udruženja. I ovaj pregled se dostavlja jednom sedmično.

Jednom mjesečno, Udruženje objavljuje i **BUSINESS INFO NEWSLETTER** u kojem su objedinjene sve aktuelne informacije i aktivnosti Udruženja i njezinih grupacija.

Također, Udruženje je na svojoj web stranici, na jednom mjestu objavilo sve **NAREDBE, DOPUNE I PRODUŽENJE NAREDBI FEDERALNOG ŠTABA CIVILNE ZAŠTITE**, a kako bi naše članice ostale informisane i u skladu mjerama mogle organizovati procese rada.

PREGLED AKTIVNOSTI UP FBIH VEZANO ZA ZAKONODAVNU REGULATIVU

Udruženje poslodavaca FBiH je:

- pripremlilo i uputilo Vladi FBiH **prijedlog seta mjera u cilju očuvanja radnih mjesta i sprječavanja negativnih posljedica na privredu FBiH** koje se odnose na zahtjev za potpisivanje Privremenog socijalnog sporazuma, hitno usvajanje rebalansa budžeta na nivou FBiH, kantona, opština i gradova, refundaciju plaće, oslobađanje plaćanja svih poreza i doprinosa, moratorij na kredite, odgađanje rokova plaćanja direktnih i indirektnih poreza, ukidanje parafiskalnih nameta;
- pripremlilo i uputilo Vladi FBiH **prijedlog mjera koje se odnose na prekidanje izvršnih postupaka i postupaka prinudne naplate;**
- pripremlilo primjedbe u formi **amandmana na Zakon o ublažavanju negativnih posljedica** i uputilo predsjedavajućim oba doma parlamenta, Vladi FBiH i svim predstavnicima u PD i delegatima u Domu naroda;
- pripremlilo i Vladi FBiH uputilo **prijedlog Socijalnog sporazuma** kojim su definisane odredbe Zakona o radu i vijeća zaposlenika koje bi se izuzetno primjenjivale za vrijeme proglašenog stanja nesreće;
- Vlada FBiH je na bazi prijedloga Sporazuma pripremlila **Nacrt Zakona o izmjenama i dopunama Zakona o radu** koji sadrži većinu zahtjeva UP FBiH iz sporazuma;
- pripremlilo u formi amandmana **primjedbe na Zakon o izmjenama i dopunama Zakona o radu;**
- pripremlilo **prijedlog teksta Odluke o o izmjeni Odluke o mjerama neposredne kontrole cijena** i uputilo Vladi i nadležnom ministarstvu sa zahtjevom za izmjenu Odluke;
- pripremlilo prijedlog teksta izmjene **Naredbe broj 12-40-6-148-8/20 od 17.03.2020. godine i uputilo Kriznom štabu FUCZ;**
- pripremlilo prijedlog teksta izmjene **Naredbe broj 12-40-6-148-7/20 od 17.03.2020. godine i uputilo Kriznom štabu FUCZ;**
- pripremlilo **tekt lex specialis Zakona o radnim odnosima za vrijeme proglašenog stanja prirodne nesreće i druge nesreće kao ratnog i vanrednog stanja;**
- uputilo Vladi Kantona Sarajevo inicijativu za donošenje **Odluke o izmjenama i dopunama Odluke Vlade KS kojom se obezbjeđuju sredstva za isplatu plaća za mart 2020. godine.**

Na inicijativu Udruženja poslodavaca FBiH formiran je **Krizni štab poslodavaca**, a čine ga predstavnici UP FBiH i Privredne komore FBiH.

Krizni štab je dostavio Vladi FBiH set mjera za ublažavanje ekonomskih posljedica pandemije koronavirusa.

PREGLED ZAHTJEVA ČLANICA I AKTIVNOSTI UP FBIH PO ZAPRIMLJENIM ZAHTJEVIMA

- 1) 1. KONZUM D.O.O. SARAJEVO**
- 2. PRODEX D.O.O. GRUDE**
- 3. MERCATOR D.O.O. SARAJEVO**
- 4. BINGO D.O.O. TUZLA**
- 5. MLJEKARA SMAJIĆ ČELIĆ**

Članice se obratile sa problemom koji je nastao donošenjem Odluke o mjerama neposredne kontrole cijena. Članom IV Odluke, kao mjera neposredne kontrole cijena na području FBiH propisuje se da privredna društva i druge pravne i fizičke osobe koje obavljaju trgovinu na veliko i trgovinu na malo su obvezna za pojedine proizvode primjenjivati cijene na razini zatečenoj na dan 05.03.2020. godine. Zbog donošenja ovakve Odluke postoji opasnost da će doći do nestašice nekih proizvoda, do jačanja sivog tržišta, kao i do divljanja cijena na tržištu.

Aktivnosti Udruženja poslodavaca FBiH:

Udruženje poslodavaca FBiH poslalo je Inicijativu za izmjenu Odluke o mjerama neposredne kontrole cijena, V. broj 441/2020 od 16.03.2020. godine, Federalnom ministarstvu trgovine, Koordinacijskom odboru za stabilizaciju gospodarstva i saniranje posljedica pandemije koronavirusa, u kojoj smo zatražili da se Odluka izmjeni na način da se propiše „zamrzavanje marži“.

Inicijativa Udruženja poslodavaca FBiH razmatrana je na sjednici Ekonomsko-socijalnog vijeća za područje FBiH i na Koordinacijskom odboru za stabilizaciju gospodarstva i saniranje posljedica pandemije koronavirusa.

Rezultat:

Vlada FBiH je prihvatila inicijativu Udruženja poslodavaca FBiH i donijela Odluku kojom utvrđuje postojanje uslova za propisivanje mjera neposredne kontrole cijena na području Federacije BiH. Odlukom je ograničena marža u prometu roba na dan 05.03.2020. godine.

- 2) 1. MEGGLE D.O.O. POSUŠJE**
- 2. KONZUM D.O.O. SARAJEVO**

Članice su prijavile nejednak tretman od strane inspekcije kod kontrole primjene Odluke o mjerama neposredne kontrole cijena od 16.03.2020. godine i zatražile tumačenje da li se Odluka odnosi na redovne ili/i na akcijske cijene koje su bile na dan 05.03.2020. godine u maloprodajnim objektima.

Aktivnosti Udruženja poslodavaca FBiH:

Udruženje poslodavaca FBiH je zatražilo od Federalnog ministarstva trgovine i inspekcije tumačenje člana IV Odluke o mjerama neposredne kontrole cijena od 16.03.2020. godine u cilju izjednačavanja prakse zbog različitog tumačenja.

Rezultat:

Federalno ministarstvo trgovine je Udruženju poslodavaca FBiH dostavilo mišljenje/uputu u vezi sa postupanjem i primjenom predmetne odluke.

U mišljenju je istaknuto da se Odluka o propisivanju mjera neposredne kontrole cijena odnosi na redovne cijene, odnosno na cijene tih artikala na dan 05.03.2020. godine bez akcijskog popusta, promotivnih cijena ili rasprodaje.

Mišljenje smo dostavili svim našim članicama.

3) DM DROGERIE MARKT D.O.O. SARAJEVO

Obratili se sa zahtjevom da se pojasni da li se Naredba o obustavi rada u djelatnosti trgovine na području FBiH odnosi na trgovine koje se nalaze u tržnim centrima.

Aktivnosti Udruženja poslodavaca FBiH:

Udruženje poslodavaca FBiH je zatražilo tumačenje od Federalnog štaba civilne zaštite i Štaba civilne zaštite Kantona Sarajevo.

Rezultat:

Na inicijativu Udruženja poslodavaca FBiH Štab civilne zaštite Kantona Sarajevo donio je pojašnjenje vezano za naredbu koja se odnosi na zabranu privremenog obustavljanja rada svih prodavnica u trgovačkim centrima, osim prodavnica osnovnih prehrambenih artikala i apoteka na području Kantona. U pojašnjenju je navedeno da se zabrana ne odnosi na maloprodajne prodavnice higijenskih potrepština.

- 4) 1. UDRUŽENJE POSLODAVACA GRAČANICA**
- 2. UDRUŽENJE POSLODAVACA BKP GORAŽDE**
- 3. MCI ŠIROKI BRIJEG**
- 4. NESTLE ADRIATIC BH D.O.O. SARAJEVO**
- 5. FABRIKA CEMENTA LUKAVAC**

Članice se obratile sa problemom izazvanim članom 3. Naredbe broj 12-40-6-148-8/20 od 17. 03. 2020. godine. Naredbom se propisuje da se vozačima (državljeni BiH), koji su se vratili na teritoriju BiH, izdaje se rješenje za izolaciju do narednog prevoza robe, s tim da im je zabranjen prijevoz

roba unutar granica BiH. Dakle, naredni prevoz roba vozač može obavljati samo u međunarodnom transportu.

Aktivnosti Udruženja poslodavaca FBiH:

Udruženje poslodavaca FBiH je uputilo Federalnom štabu civilne zaštite Zahtjev za HITNU izmjenu člana 3. Naredbe broj 12-40-6-148-8/20 od 17. 03. 2020. godine, u smislu da vozači, kojima je naložena izolacija, mogu vršiti prijevoz roba i na teritoriji BiH uz poštovanje svih zahtjeva samoizolacije koje važe i za međunarodni transport.

Rezultat:

Federalni štab civilne zaštite je na inicijativu Udruženja poslodavaca FBiH izmijenio Naredbu broj 12-40-6-148-8/20. Izmjenom naredbe se izjednačio domaći i međunarodni transport na način da vozači kojima je naložena izolacija narednu vožnju mogu obavljati na teritoriji BiH uz poštovanje svih zahtjeva samoizolacije koje važe i za međunarodni transport.

5) 1. RAIL CARGO LOGISTICS - BH D.O.O. SARAJEVO

2. UDRUGA GOSPODARSTVENIKA POSUŠJE

3. AUSTROTHERM TRANSPORT BIHAĆ

4. VIZA TRANS D.O.O. POSUŠJE

5. VILAŠPED D.O.O. VITEZ

6. NERI D.O.O. MAGLAJ

7. ČUTURA PRIJEVOZ POSUŠJE

Članice se obratile sa problemom koji je nastao u međunarodnom transportu donošenjem Odluke Kriznog štaba Republike Hrvatske. Odlukom su se za međunarodni tranzitni prijevoz roba preko Republike Hrvatske odredila tri međunarodna granična prijelaza između dviju zemalja, čime je uveliko otežan međunarodni transport roba. Kamioni su se formirali u kovoje i bila je obezbjeđena policijska pratnja.

Na GP Bosanska Gradiška su stvorene kilometarske kolone, vozači iz BiH prisiljeni su na izrazito duga čekanja koja traju po tri, četiri dana, na formiranje konvoja čije kretanje također traje predugo.

Aktivnosti Udruženja poslodavaca FBiH:

Udruženje poslodavaca FBiH je uputilo Vijeću ministara BiH, Ministarstvu vanjskih poslova BiH, Ministarstvu sigurnosti BiH, Koordinacionom tijelu BiH za zaštitu i spašavanje Zahtjev za hitnu intervenciju za olakšavanje međunarodnog transporta roba i otvaranje graničnog prelaza Izačić.

Rezultat:

Nakon prijema našeg zahtjeva, ministar komunikacija i prometa BiH Vojin Mitrović i ministar sigurnosti BiH Fahrudin Radončić održali su sastanak sa ambasadorom Republike Hrvatske u BiH Ivanom Sabolićem i zatražili da se ovaj problem riješi.

Hrvatski nacionalni štab je ukinuo policijsku pratnju za kamione koji dolaze iz BiH. Na taj način je ukinuta obaveza formiranja konvoja, kamioni neće više satima morati čekati, već će moći odmah ići. Time su stvoreni preduslovi i za otvaranje graničnog prelaza Izačić.

6) 1. EZ D.O.O BUSOVAČA**2. DITA D.O.O. TUZLA**

Članice su se obratile sa prijedlogom za ukidanje akciza na alkohol koji se koristi za proizvodnju sredstava za održavanje higijene i dezinfekcionih sredstava.

Aktivnosti Udruženja poslodavaca FBiH:

Udruženje poslodavaca FBiH je uputilo Zahtjev za donošenje privremene mjere za oslobađanje od plaćanja akcize na alkohol koji se koristi za proizvodnju sredstava za dezinfekciju i održavanje higijene Vijeću ministara BiH, Upravi za indirektno oporezivanje, Koordinacionom tijelu BiH za zaštitu i spašavanje, Kriznom štabu CZ FBiH i Koordinacijskom odboru za stabilizaciju gospodarstva i saniranje posljedica pandemije koronavirusa.

Dobili smo odgovor Vijeća ministara BiH koji nas je obavijestio da je Zahtjev prosljeđen Ministarstvu finansija i trezora BiH na uvid i dalje postupanje.

Kontaktirali smo Ministarstvo finansija i trezora BiH i dobili informaciju da je naš zahtjev u nadležnosti Uprave za indirektno oporezivanje BiH.

Kontaktirali smo Upravu za indirektno oporezivanje BiH i dobili uputu da Zahtjev zajedno sa odgovorom Vijeća ministara BiH pošaljemo svim članovima Upravnog odbora UIO, jer je to u njihovoj nadležnosti. Zahtjev je upućen svim članovima Upravnog odbora UIO.

Udruženje poslodavaca FBiH je poslalo urgenciju predsjedavajućem Upravnog odbora UIO i svim članovima Upravnog odbora UIO i zatražilo hitno održavanje sjednice Upravnog odbora UIO na kojoj će se razmatrati i usvojiti Zahtjev za donošenje privremene mjere za oslobađanje od plaćanja akcize na alkohol koji se koristi za proizvodnju sredstava za dezinfekciju i održavanje higijene.

7) GRUPACIJA POSLODAVACA TUZLANSKOG KANTONA

Obratili se sa žalbom da su sudovi na području Tuzlanskog kantona zaustavili svoje redovne aktivnosti.

Aktivnosti Udruženja poslodavaca FBiH:

Udruženje poslodavaca FBiH se obratilo Visokom sudskom i tužilačkom vijeće Bosne i Hercegovine .

Oni su nas uputili na Odluku o organizaciji rada u sudovima i tužilaštvima u BiH, kojom se regulira rad sudova dok traju vanredne okolnosti uzrokovane korona virusom u Bosni i Hercegovini. Članom 8. Odluke jasno je propisano da je u sudovima i tužilaštvima potrebno organizovati dežurne službe za obavljanje administrativnih poslova.

Mi smo kontaktirali Općinski sud u Tuzli i upoznali ih sa problemom i sa članom 8. Odluke.

Rezultat:

Sudovi na području Tuzlanskog kantona počeli su da obavljaju svoje redovne aktivnosti.

Svim članicama smo poslali Odluku o organizaciji rada u sudovima i tužilaštvima u BiH i informisali ih kako da postupaju dok traju vanredne okolnosti uzrokovane korona virusom u Bosni i Hercegovini.

8) HOLDINA D.O.O. I ENERGOPETROL D.D. SARAJEVO

Obratili se sa zahtjevom za uključenje u aktivnosti usmjerenih ka stabilizaciji privrede, te minimiziranju posljedica uzrokovanih pandemijom korona virusa (COVID-19).

Aktivnosti Udruženja poslodavaca FBiH:

Udruženje poslodavaca FBiH sve prijedloge dostavlja Holdini d.o.o. i Energopetrol d.d. Sarajevo na mišljenje i na taj način im dajemo mogućnost da učestvuju u kreiranju konačnih prijedloga koje Udruženje upućuje prema nadležnim institucijama.

9) EZ D.O.O. BUSOVAČA

Obratili se sa problemom neizdavanja obvezujuće informacije UIO o svrstavanju robe u carinsku tarifu. Članica je početkom februara 2020. godine uputila Upravi za indirektno oporezivanje Zahtjev za izdavanje obvezujuće informacije, uz napomenu da je ranije posjedovala isti dokument, ali mu je isteklo važenje.

Zbog neizdavanja obvezujuće informacije obustavljena je proizvodnja sredstava za čišćenje i dezinfekciju, jer se ne mogu uvesti sirovine za njihovu proizvodnju. Tek od momenta kada članica dobije obvezujuću informaciju može naručiti sirovine, a od tog momenta se čeka još dva do tri mjeseca, jer je potražnja za istim velika. To ujedno znači da pored ovog roka od 90 dana u kojem čekaju izdavanje obavezujuće informacije, čekaju još dva do tri mjeseca za nabavku, što znači da nema proizvodnje najmanje šest mjeseci.

Najveći dio proizvoda čija je proizvodnja smanjena ili skroz obustavljena ide u izvoz, što u današnje vrijeme ima potpuno negativne efekte na platni bilans.

Dio tih sirovina koristi se za proizvodnju sredstava za dezinfekciju, a smanjenje i obustavljanje proizvodnje sredstava za dezinfekciju u vrijeme pandemije korona virusa može imati katastrofalne posljedice za cjelokupno društvo. Ta sredstva su ključna u borbi protiv širenja zaraze na području Bosne i Hercegovine.

Aktivnosti Udruženja poslodavaca FBiH:

Udruženje poslodavaca FBiH je urgiralo kod direktora Uprave za indirektno oporezivanje, Mire Džakule, da se hitno donese obvezujuća informacija.

Rezultat:

Nakon urgencije Udruženja poslodavaca FBiH članici je izdata obvezujuća informacija UIO o svrstavanju robe u carinsku tarifu.

10) GRUPACIJA POSLODAVACA TUZLANSKOG KANTONA

Obratili se sa problemom obustavljanja rada trgovinama bijele tehnike i električnih uređaja, Naredbama Federalnog štaba civilne zaštite, broj 12-40-6-148-26/20 i 12-40-6-148-26-1/20.

Aktivnosti Udruženja poslodavaca FBiH:

Udruženje poslodavaca FBiH je poslalo Federalnom štabu civilne zaštite sa zahtjev za izmjenu Naredbe broj 12-40-6-148-13/20 i Naredbe broj 12-40-6-148-26-1/20 u kojem smo zatražili da se iz Naredbe izuzmu trgovine bijele tehnike.

Rezultat:

Na inicijativu Udruženja poslodavaca FBiH Federalni štab civilne zaštite donio je novu Naredbu, broj: 12-40-6-148-93/20.

Stupanjem na snagu nove Naredbe omogućen je rad trgovinama namještaja i bijele tehnike, a Naredba broj 12-40-6-148-13/20 i Naredba broj 12-40-6-148-26-1/20 su stavljene van snage.

11) GRUPACIJA POSLODAVACA TUZLANSKOG KANTONA

Predsjednik UO Grupacije obratio se sa problemom u pogledu rokova za štampanje evidencijskih markica za brašno. Prema informacijama koje su dostavili planirano je štampanje evidencionih markica za brašno tek za 30 do 45 dana.

Aktivnosti Udruženja poslodavaca FBiH:

Udruženje poslodavaca FBiH je uputilo Upravi za indirektno oporezivanje BiH, Vijeću ministara BiH, Koordinacionom tijelu BiH za zaštitu i spašavanje, Kriznom štabu CZ FBiH i Koordinacijskom odboru za stabilizaciju gospodarstva i saniranje posljedica pandemije koronavirusa zahtjev za

skraćivanje roka za štampanje evidencijskih markica za brašno, u kojem smo zatražili da se skрати rok i hitno pristupi štampanju evidencionih markica za brašno, kako bi mogle biti dostupne kompanijama odmah nakon podnošenja zahtjeva.

Rezultat:

Uprava za indirektno oporezivanje je obavijestila Udruženje poslodavaca FBiH da ne postoje nikakvi problemi i da se štampanje evidencijskih markica za brašno vrši nesmetano i bez ikakvog zastoja. Prema našoj urgenciji Uprava za indirektno oporezivanje je dala upute štampariji da uzme u prioritet markice za brašno, a štamparija je to i potvrdila. Informisali su nas da će se i ubuduće voditi računa da štampanje evidencijskih markica ima prioritet nad ostalim i da će se vršiti nesmetano i ubrzano štampanje predmetnih markica, zbog značaja i njihove dostupnosti kompanijama, a sve s ciljem omogućavanja uvoza brašna bez zastoja.

Članicama smo poslali informaciju iz Uprave za indirektno oporezivanje.

**12) 1. CENTROTRANS EUROLINES SARAJEVO
2. SVI ČLANOVI UPRAVNOG ODBORA UP FBiH**

Obratili se sa problemom povećanja naknada za vođenje transakcijskog računa od strane Raiffeisen banke.

Aktivnosti Udruženja poslodavaca FBiH:

Udruženje poslodavaca FBiH je putem javnog saopštenja pozvalo banke da ne povećavaju naknade za vođenje računa i da u vrijeme pandemije korona virusa pokažu da ih zanima očuvanje radnih mjesta i privrede, jer su privredni subjekti njihovi najznačajniji klijenti.

Rezultat:

Raiffeisen banka je izmijenila Odluku o promjeni tarifa naknada u visini mjesečne naknade za vođenje računa i naknade za pakete računa za mala i srednja preduzeća (SME) i izvršila povrat više naplaćenih naknada za usluge vođenja računa i paketa računa za pravna lica. Zadržane su dosadašnje cijene navedenih usluga.

13) PRO TEXTIL D.O.O. ZENICA

Obratili se sa problemom koji je nastao donošenjem Naredbe broj 12-40-6-148-25/20 o obustavi javnog linijskog i vanlinijskog prijevoza putnika. Većina radnika ove kompanije dolazi na posao javnim prevozom, a zbog donošenja ove naredbe bili su prisiljeni obustaviti proizvodnju do daljnjeg.

Aktivnosti Udruženja poslodavaca FBiH:

Krizni štab privrednika FBiH u kojem su predstavnici Udruženja poslodavaca FBiH uputio je Federalnoj upravi civilne zaštite prijedlog da se iz izdate mjere o obustavi javnog prevoza izuzmu ugovoreni prevozi koji se odnose na prevoz radnika, kako ne bi bili ugroženi poslovni procesi privrednih društava.

Udruženje poslodavaca je poslalo urgenciju Federalnoj upravi civilne zaštite u kojoj ih pozivamo da još jedanput razmotre našu argumentaciju, naš prijedlog stave na Dnevni red sjednice Federalne uprave civilne zaštite i isti usvoje.

14) 1. AS GROUP TEŠANJ

2. SVI ČLANOVI UPRAVNOG ODBORA UP FBIH

Insistirati kod Udruženja banaka da se svi klijenti koji to zatraže tretiraju jednako, te da banke donesu jedinstvene procedure i pravila za sve klijente. Ukoliko neko nije pogođen trenutno, zasigurno će ga posljedice nastupajuće recesije stići, a i takve firme moraju imati iste uslove poslovanja kao i firme za koje znamo da su trenutno u problemu.

Aktivnosti Udruženja poslodavaca FBiH:

Udruženje poslodavaca FBiH je sačinilo prijedlog mjera u koje je uvršten zahtjev članica da se omogući moratorij svima koji to zatraže.

Prijedlog mjera je upućen Vladi FBiH, Agenciji za bankarstvo Federacije BiH i Udruženju banaka BiH.

15) PETROL SARAJEVO

Obratili se sa upitom da li prema trenutno važećim propisima radnike mogu uputiti na čekanje.

Aktivnosti Udruženja poslodavaca FBiH:

Udruženje poslodavaca FBiH je zatražilo potpisivanje Privremenog socijalnog sporazuma koji je upućen Vladi FBiH i Sindikatu u kojem je predloženo uvođenje instituta čekanja. Obzirom da je Sindikat odbio potpisivanje Sporazuma, mi smo zatražili od Vlade FBiH da donese lex specialis kojim se treba regulirati ovo pitanje.

Rezultat:

Vlada FBiH je u prijedlogu izmjena i dopuna Zakona o radu, koji je upućen u parlamentarnu proceduru uvela institut čekanja.

16) HRVATSKA POŠTA D.O.O. MOSTAR

Poslali inicijativu za izmjenu članova 23-26. Zakona o vijeću zaposlenika, jer nijedna mjera predviđena izmjenama i dopunama Zakona o radu ne može se primijeniti bez provođenja procedura propisanih Zakonom o vijeću zaposlenika.

Aktivnosti Udruženja poslodavaca:

Udruženje poslodavaca FBiH je u prijedlogu Privremenog socijalnog sporazuma koji je upućen Vladi FBiH i Sindikatu predložio mjere u kojima se između ostalih nalaze i suspenzija odredaba 23-26. Zakona o vijeću zaposlenika. Obzirom da je Sindikat odbio potpisivanje Sporazuma, mi smo zatražili od Vlade FBiH da donese lex specialis kojim se treba regulirati ovo pitanje.

UP FBiH je u primjedbama na Zakon o izmjenama i dopunama zakona o radu koje smo dostavili Ekonomsko-socijalnom vijeću za teritoriju FBiH, Vladi FBiH i Federalnom ministarstvu rada i socijalne politike upozorilo da je primjena predloženih zakonskih rješenja vrlo upitna po pitanju njihove provedbe i po pitanju mogućih tužbi radnika. Naime, navedene izmjene ne mogu derogirati odredbe Zakona o vijeću zaposlenika, konkretno član 23., 24., 25. i 26. Da bi izmjene i dopuna Zakona o radu bile primjenljive, u uslovima prirodne nesreće istovremeno u setu moraju biti usvojene izmjene i dopune Zakona o vijeću zaposlenika, kojim se u vrijeme prirodne nesreće suspenduju odredbe članova 23., 24., 25. i 26.

17) UDRUŽENJE POSLODAVACA BIZNIS TEŠANJ

Obratili se sa problemom nemogućnosti ostvarenja subvencioniranja plaće za radnike koji rade u poslovnim jedinicama u Sarajevu, zato što je sjedište kompanije u Zeničko-dobojskom kantonu.

Aktivnosti Udruženja poslodavaca FBiH:

Obzirom da u Kantonu Sarajevo pravo na dodjelu budžetskih sredstava imaju samo pravna lica koja imaju sjedište u Kantonu Sarajevo Udruženje poslodavaca FBiH je uputilo Vladi Kantona Sarajevo Inicijativu za donošenje Odluke o izmjenama i dopunama Odluke Vlade Kantona Sarajevo, broj 02-04-9386-4/20, od 04.04.2020. godine kojom se obezbjeđuju sredstava za isplatu plate za MART 2020. godine. Predložili smo da se Odluka izmjeni na način da se propiše da pravo na dodjelu sredstava za isplatu plaće imaju privredni subjekti koji su registrovani na području Kantona Sarajevo (sa sjedištem u Kantonu Sarajevo za radnike koji su prijavljeni sa mjestom rada na području Kantona Sarajevo i poslovne jedinice drugih subjekata za radnike koji su prijavljeni sa mjestom rada na području Kantona Sarajevo).

U Inicijativi smo naglasili da je pored izmjene ove Odluke neophodno da se ovaj princip primjenjuje i ubuduće, te da se Odlukom za april mjesec i sve naredne mjesece obuhvate poslovne jedinice drugih subjekata za radnike koji su prijavljeni sa mjestom rada na području Kantona Sarajevo.

Obavijestili smo naše članice o preduzetim aktivnostima.

18) OBRTNIČKA RADNJA OBUĆAR ŠANDOR SARAJEVO

Obratili se sa upitom da li obučarska radnja može raditi i da li je na listi zabranjenih djelatnosti.

Aktivnosti Udruženja poslodavaca FBiH:

Udruženje poslodavaca FBiH je dostavilo Listu zabranjenih djelatnosti prema Naredbama Federalnog štaba civilne zaštite.

Također, dali smo i pravnu pouku o mogućnosti prijave na javni poziv za dodjelu budžetskih sredstava za isplatu dijela plaća za mjesec mart i dali upute šta je sve potrebno i na koji način se prijavljuju na javni poziv.

19) MATRICA D.O.O. BIHAĆ

Obratili se sa zahtjevom za tumačenje Prijedloga zakona o ublažavanju negativnih ekonomskih posljedica, u smislu da li pomoć realnom sektoru podrazumijeva pomoć samo za one poslodavce koji nisu otpustili radnike.

Aktivnosti Udruženja poslodavaca FBiH:

U prvoj verziji Vlade FBiH Zakona bio je uslov za pomoć realnom sektoru da poslodavci nisu otpustili svoje radnike. Mi smo kroz pregovore, primjedbe na Zakon uspjeli da izbacimo taj uslov, što se može vidjeti kroz Prijedlog zakona o ublažavanju negativnih ekonomskih posljedica koji treba da se razmatra u Parlamentu FBiH.

20) ONE BIS D.O.O. SARAJEVO

Obratili se sa pitanjem da li ima izgleda da bi vlada/kanton snosila dio obaveza uključujući plate radnika.

Aktivnosti Udruženja poslodavaca FBiH:

Udruženje poslodavaca FBiH je u prijedlog mjera UP FBiH za očuvanje radnih mjesta i sprječavanje negativnih posljedica na privredu FBiH uzrokovanim COVID 19, zatim u prijedlog Privremenog socijalnog sporazuma koji je upućen Vladi FBiH i Sindikatu uvrstio prijedlog da se snosi dio obaveza. Obzirom da je Sindikat odbio potpisivanje Sporazuma, mi smo zatražili od Vlade FBiH da donese lex specialis kojim se treba regulirati ovo pitanje.

Rezultat:

Vlada FBiH je donijela Prijedlog zakona o ublažavanju negativnih ekonomskih posljedica u kojem je prijedlog djelimično usvojen. U Prijedlogu je predloženo subvencioniranje doprinosa na minimalnu plaću.

**21) 1. TT KABELI D.O.O. ŠIROKI BRIJEG
2. ATHABASCA INVESTMENT D.O.O. TOMISLAVGRAD**

Obratili se sa zahtjevom za aktiviranje planiranih javnih radova i investicija sa ponovnim stupanjem na snagu preferencijala kojim se domaći proizvođači, dobavljači proizvoda i usluga stavljaju u povlašten položaj u odnosu na uvoznike.

Aktivnosti Udruženja poslodavaca FBiH:

Udruženje poslodavaca FBiH se obratilo Vladi FBiH i Elektroprivredi BiH d.d.

Rezultat:

Vlada FBiH je prihvatila zahtjev Udruženja poslodavaca FBiH. Premijer Fadil Novalić uputio je predsjedavajućem Vijeća ministara Bosne i Hercegovine Zoranu Tegeltiji inicijativu za izmjenu Odluke o obaveznoj primjeni preferencijalnog tretmana domaćeg, kako bi se podstakla domaća privreda i osigurala značajna pomoć i spašavanje velikog broja radnih mjesta u novonastaloj situaciji uzrokovanoj povodom širenja koronavirusa COVID-19.

**22) 1. SENABIL INVESTMENT SARAJEVO
2. BOXMARK LEATHER D.O.O. LUKAVAC
3. ZU SANASA SARAJEVO**

Obratili se sa upitom da li im Udruženje poslodavaca FBiH može pružiti pomoć za saniranje posljedica izazvanih pandemijom koronavirusa.

Aktivnosti Udruženja poslodavaca FBiH:

Udruženje poslodavaca FBiH od samog početka i proglašenja stanja nesreće zbog pojave koronavirusa na području Federacije BiH preduzima aktivnosti koje su usmjerene na ublažavanje posljedica pandemije korona virusa na privredu i radna mjesta.

Tako smo našim aktivnostima već postigli određene rezultate, u smislu izmjene pojedinih naredbi Federalnog štaba civilne zaštite i Odluka Vlade FBiH. Ono što bi konkretno za ove kompanije moglo biti od koristi i očuvati radna mjesta u istoj jeste usvajanje naših amandmana na Prijedlog zakona o ublažavanju negativnih ekonomskih posljedica, jer smo amandmanom predložili da se obezbijedi subvencioniranje minimalne plaće sa pripadajućim doprinosima.

Amandmani su upućeni Parlamentu FBiH.

23) DELOITTE ADVISORY SERVICES D.O.O. SARAJEVO

Obratili se sa upitom da li je formiran Koordinacioni odbor za privredu.

Aktivnosti Udruženja poslodavaca FBiH:

Odgovorili smo da je na inicijativu Udruženja poslodavaca FBiH 13.03.2020. godine formiran Krizni štab poslodavaca kojeg čine predstavnici UPFBiH i Privredne komore FBiH.

Također, formirano je i koordinaciono tijelo pri ESV-u, ali su njegovi članovi iz sastava ESV-a.

Članicu smo pozvali da nam dostavi svoje inicijative.

24) PROGETTI BOSNIA D.O.O. TUZLA

Obratili se generalno zbog problema koji su nastali zbog pojave korona virusa. Najveći problemi su obustava javnog prijevoza na teritoriji FBiH, zbog čega dio fabrike ne radi upravo iz tog razloga. Zbog zastoja proizvodnje upitna je isplata plata i doprinosa zaposlenima, kojih je u ovoj kompaniji 185. Njihov zahtjev je da se traži da se uplata doprinosa i poreza prolongira za naredna dva mjeseca, te da se ne isplaćuje topli obrok i troškovi prijevoza za zaposlene u naredna dva mjeseca.

Aktivnosti Udruženja poslodavaca FBiH:

Udruženje poslodavaca FBiH je u prijedlog mjera UP FBiH za očuvanje radnih mjesta i sprječavanje negativnih posljedica na privredu FBiH uzrokovanim COVID 19, zatim u prijedlog Privremenog socijalnog sporazuma koji je upućen Vladi FBiH i Sindikatu, i u amandmanima na Prijedlog zakona o ublažavanju negativnih ekonomskih posljedica uvrstio zahtjeve članice.

25) UDRUŽENJE PRIVATNIH PREDŠKOLSKIH USTANOVA KANTONA SARAJEVO

Obratili se sa zahtjevom za uključivanje predstavnika udruženja u Krizni štab udruženja poslodavaca Federacije Bosne i Hercegovine. Iskazali su bojazan da bi Naredba o obustavi rada predškolskih ustanova na području Kantona Sarajevo mogla imati od posljedice koje će se odraziti na njihovo finansijsko poslovanje, a što bi se moglo odraziti i na radna mjesta radnika.

Aktivnosti Udruženja poslodavaca FBiH:

Sve mjere Udruženja poslodavaca FBiH, zatim prijedlog Privremenog socijalnog sporazuma čije smo potpisivanje zatražili od Vlade FBiH i Sindikata i amandmani na Prijedlog zakona o ublažavanju negativnih ekonomskih posljedica podrazumijevaju mjere kojim bi se ublažile negativne ekonomske posljedice i očuvala radna mjesta. Usvajanje predloženih mjera značilo bi i ublažavanje negativnih ekonomskih posljedica i privatnim predškolskim ustanovama u Kantonu Sarajevo.

- 26) 1. BLOW UP D.O.O. SARAJEVO
2. NEWEVENT D.O.O. SARAJEVO
3. PROEVENT D.O.O. SARAJEVO
4. PAL-e D.O.O. SARAJEVO
5. BATO D.O.O. VISOKO
6. TAPAS D.O.O. ZENICA
7. BALON DEKOR D.O.O. SARAJEVO
8. BMS S.R. VOGOŠĆA
9. PRO LIGHT D.O.O. SARAJEVO
10. PROFI LIGHT SARAJEVO
11. AGENCIJA PRODUKCIJA VISOKO
12. K-LIGHT SARAJEVO
13. A&V OPREMA D.O.O. SARAJEVO
14. STAGE ART D.O.O. BIHAĆ
15. LIVE STAGE D.O.O. SARAJEVO
16. ADIX EVENTS D.O.O. SARAJEVO
17. CREATIVA EVENTS D.O.O. TEŠANJ
18. EVENTRIO D.O.O. SARAJEVO
19. EVENT D.O.O. MOSTAR
20. DREAMMEDIA MOSTAR
21. ATIKOS D.O.O. SARAJEVO
22. MASTERS-COMMERCE D.O.O. ČAPLJINA
23. PS PRODUKCIJA D.O.O. POSUŠJE

Obratili se sa prijedlogom mjera za olakšanje nastale situacije. Neke od mjera koje su predložili su uvođenje moratorija na kredite, refundacija doprinosa, sufinansiranje jednog dijela osobnog dohotka, te odgoda uplate akontacije poreza na dobit.

Aktivnosti Udruženja poslodavaca FBiH:

Sve mjere koje su predložene izvršene su u prijedloge mjera Udruženja poslodavaca koji su upućeni prema nadležnim organima.

Udruženje poslodavaca FBiH je sačinilo prijedlog mjera u koje je uvršten zahtjev da se omogući moratorij svima koji to zatraže. Prijedlog mjera je upućen Vladi FBiH, Agenciji za bankarstvo Federacije BiH i Udruženju banaka BiH.

Kroz amandmane na Prijedlog zakona o ublažavanju negativnih ekonomskih posljedica predložili smo da se obezbjedi subvencioniranje minimalne plaće sa pripadajućim doprinosima. Pored ukidanja obaveze plaćanja akontacije poreza na dobit zatražili i oslobađanje od plaćanja razlike poreza na dobit za 2019. godinu, jer većina subjekata koji su pogođeni pandemijom korona virusa neće biti u mogućnosti isplatiti razliku poreza na dobit ukoliko se ona utvrdi u prijavi poreza za 2019. godinu.

Amandmani na Prijedlog zakona su upućeni Parlamentu FBiH.

27) MEĐUGORJE - ROYAL

Obratili se sa upitom da li se nova Naredba Federalnog štaba civilne zaštite broj 12-40-6-148-8-1/20 odnosi na domaći promet.

Aktivnosti Udruženja poslodavaca FBiH:

Udruženje poslodavaca FBiH je poslalo novu Naredbu Federalnog štaba civilne zaštite broj 12-40-6-148-8-1/20 i obavijestilo kompaniju da je novom Naredbom na inicijativu UP FBiH domaći i međunarodni transport izjednačen.

28) UDRUŽENJE UGOSTITELJA „NS“ SARAJEVO

Poslali pismo podrške radu Udruženju poslodavaca FBiH i iskazali interes za učešće u aktivnostima usmjerenim ka stabilizaciji privrede, te minimiziranju posljedica uzrokovanih pandemijom korona virusa.

Aktivnosti Udruženja poslodavaca FBiH:

Udruženje poslodavaca FBiH sve prijedloge i mjere dostavlja kompanijama kako bi dali svoje mišljenje i na taj način im dajemo mogućnost da učestvuju u kreiranju konačnih prijedloga koje Udruženje upućuje prema nadležnim institucijama.

29) HOTELI ILIDŽA GROUP

Obratili se sa prijedlogom mjera koje treba uputiti prema Vladi FBiH, s ciljem ublažavanja negativnih ekonomskih posljedica izazvanih pojavom korona virusa i s ciljem očuvanja radnih mjesta. Mjere koje su predložili: zatražiti od banaka da oslobode radnike i poslodavce plaćanja rata na kredit (i kamate kredita) za vrijeme trajanja zabrane; za sve ugostitelje koji su sa zakupom prostora u društvenom sektoru osloboditi od plaćanja kirije za vrijeme zabrane rada; osloboditi od plaćanja komunalne takse, takse na istaknutu firmu i drugih parafiskalnih nameta za vrijeme zabrane rada u ugostiteljskoj privredi; osloboditi od plaćanja fiksnih režijskih troškova i ukinuti naknade za ljetne bašte za vrijeme trajanja zabrane rada.

Aktivnosti Udruženja poslodavaca FBiH:

Mjere koje je predložila članica uvrštene su u prijedlog mjera UP FBiH za očuvanje radnih mjesta i sprječavanje negativnih posljedica na privredu FBiH uzrokovanim COVID 19 koje su upućene Vladi FBiH i nadležnim institucijama i zatraženo je hitno provođenje.

30) DM DROGERIE MARKT D.O.O. SARAJEVO

Obratili se sa zahtjevom da donošenje mjera za pomoć privrednicima. Mjere koje su predložili su: oslobađanje plaćanja poreza na dobit za 2019. godinu, oslobađanje plaćanja akontacije poreza na dobit, osloboditi firme plaćanja doprinosa (ili bar 50% doprinosa) do prestanka važenja vanrednih uvjeta, PDV da se plaća po naplati, a ne po izdatoj fakturi, osloboditi poreza i carina sve donacije u opremi i kupovinu opreme za odbranu i liječenje korone, uvesti moratorij na rate kredita od 3 do 12 mjeseci za sve građane koji to zatraže, moratorij na rate kredita svim firmama koje sumnjaju da će imati problema sa isplatom plata i obaveza prema dobavljačima, Fond za pomoć i garancije firmama koje uvoze deficitarne sirovine ili proizvode, a nisu to više u mogućnosti jer im kupci nisu platili na vrijeme, jer su povećane cijene nabave ili transporta na međunarodnom tržištu i jer su promijenjeni uvjeti plaćanja, rebalans budžeta, smanjenje nadoknada, paušala i svih primanja svim zastupnicima na svim nivoima, pronaći način da se nagrade i stimulišu svi koji rizikuju da obole od korone virusa kako bi liječili ili redovno snabdijevali građane BiH, osloboditi firme poreza na stimulacije radnicima koji rade prekovremeno dok traju vanredni uvjeti i smanjiti kirije za 50% u opštinskim i sličnim prostorima.

Aktivnosti Udruženja poslodavaca FBiH:

Mjere koje je predložila članica uvrštene su u prijedlog mjera UP FBiH za očuvanje radnih mjesta i sprječavanje negativnih posljedica na privredu FBiH uzrokovanim COVID 19 i u amandmane na Prijedlog zakona o ublažavanju negativnih ekonomskih posljedica.

31) MAKAMA D.O.O. BUGOJNO

Obratili se sa zahtjevom za pomoć tekstilnoj industriji.

Aktivnosti Udruženja poslodavaca FBiH:

Udruženje poslodavaca FBiH je uputilo Koordinacijskom odboru za stabilizaciju privrede i saniranje posljedica pandemije COVID 19 Zahtjev za uvrštavanje na Dnevni red prve naredne sjednice razmatranje mjera podrške kompanijama za sprječavanje i suzbijanje zaraze korona virusom u tekstilnoj industriji.

32) POBJEDA-TEŠANJ D.D.

Obratili se sa problemom povećanja kamata koje su najavile poslovne banke sa kojima saraduju.

Aktivnosti Udruženja poslodavaca FBiH:

Udruženje poslodavaca je putem javnog saopštenja pozvalo banke da ne povećavaju kamate privrednim društvima. U saopštenju je navedeno da je neprihvatljiv pokušaj pojedinih banaka da

povećanjem kamata sačuvaju ionako visoke bankarske profite, u potpunosti zanemarujući interese klijenata, u uslovima kada kompletna svjetska pa tako i bh. privreda trpi stravične posljedice krize izazvane pandemijom koronavirusa. U uvjetima krize svi moraju preuzeti svoj dio tereta kako bi se kriza što bezbolnije prevazišla pa tako i banke.

Iz Udruženja poslodavaca FBiH će pratiti situaciju sa najavljenim povećanjem kamata te ukoliko do toga dođe, bit će zatražena intervencija nadležnih institucija i o tome će obavijestiti javnost.